

গণপ্রজাতন্ত্রী বাংলাদেশ সরকার

অর্থ মন্ত্রণালয়

আর্থিক প্রতিষ্ঠান বিভাগ

বিএসইসি ও বিআইসিএম শাখা

www.fid.gov.bd

Bangladesh Institute of Capital Market	
12 DEC 2023	
SL No. 920	Signature
Received by	

নম্বর: ৫৩.০০.০০০০.৪২১.২০.০০৩.২০.১০২

প্রজ্ঞাপন

বিভাগ প্রোগ্রামেট সংশোধনের দপ্তর	
স্মারক নং: ২৪৩	তারিখ: ২২/১২/২৩
প্রোগ্রাম (প্রশাসন ও অর্থ) পরিচালক (সি/সিএস) বিএসইসি (অর্থিক)	<input type="checkbox"/> প্রোগ্রাম নিন
অধ্যাপক/সহীকা নিয়ন্ত্রক	<input checked="" type="checkbox"/> প্রোগ্রামের সত্যতা
সচিব/সহসচিবী অধ্যাপক	<input type="checkbox"/> অধ্যাপক
উপ-পরিচালক/সচিবী পরিচালক/সচিবী হার্ডওয়্যার ইঞ্জিনিয়ার/সহসচিবী অধ্যাপক	<input type="checkbox"/> উপস্থাপন করুন
প্রোগ্রাম/সংশোধন কর্মকর্তা/অধ্যাপক কর্মকর্তা/সহসচিবী	<input type="checkbox"/> প্রোগ্রামের সত্যতা নিন
তারিখ: ২৬ অগ্রহায়ণ ১৪৩০	তারিখ: ২২ ডিসেম্বর ২০২৩
পি.এস.ই. নিবন্ধী প্রোগ্রামেট/সংশোধন সচিব/সচিবী পরিচালক/সচিবী সিস্টেম এডমিনিস্ট্রেশন/সহসচিবী পরিচালক/সহসচিবী রেজিস্ট্রার/সহসচিবী হার্ডওয়্যার ইঞ্জিনিয়ার	
সহসচিবী বাইপ্রোগ্রাম/বাজিগত কর্মকর্তা	

বাংলাদেশ ইনস্টিটিউট অব ক্যাপিটাল মার্কেট (বিআইসিএম) এর পুঁজিবাজার সংক্রান্ত গবেষণা কার্যক্রম পরিচালনার লক্ষ্যে 'বাংলাদেশ ইনস্টিটিউট অব ক্যাপিটাল মার্কেট গবেষণা এনডাউমেন্ট তহবিল পরিচালনা নীতিমালা, ২০১৭' সংশোধনপূর্বক নিম্নরূপভাবে জারি করা হলো:

১। নীতিমালার নাম ও প্রবর্তন:

(১) এই নীতিমালা বাংলাদেশ ইনস্টিটিউট অব ক্যাপিটাল মার্কেট গবেষণা এনডাউমেন্ট তহবিল পরিচালনা নীতিমালা, ২০১৭ (সংশোধিত) নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা:

এই নীতিমালায় অন্য কোন ব্যাখ্যা না থাকিলে-

(১) “তহবিল” অর্থ অনুচ্ছেদ ৪ অনুযায়ী গঠিত বাংলাদেশ ইনস্টিটিউট অব ক্যাপিটাল মার্কেট গবেষণা এনডাউমেন্ট তহবিল;

(২) “কমিটি” অর্থ অনুচ্ছেদ ৭(২) অনুযায়ী গঠিত তহবিল পরিচালনা কমিটি;

(৩) “গবেষক” অর্থ গবেষণা কাজে নিয়োজিত ইনস্টিটিউটের গবেষক, অনুসন্ধান সদস্য এবং ইনস্টিটিউটের বহিঃস্থ পুঁজিবাজার সংশ্লিষ্ট পেশাজীবী, শিক্ষক, গবেষক ও প্রতিষ্ঠান;

(৪) “ইনস্টিটিউট” অর্থ বাংলাদেশ ইনস্টিটিউট অব ক্যাপিটাল মার্কেট, যার বরাবর এ তহবিলের আওতায় গবেষণার বুদ্ধি বৃত্তিক সম্পত্তি বা Intellectual Property সংরক্ষিত থাকিবে।

৩। তহবিলের উদ্দেশ্য ও বাস্তবায়ন:

পরিচালক (প্রশাসন ও অর্থ) এর দপ্তর	
স্মারক নং: ৭৬০	তারিখ: ১২/১২/২৩
অধ্যাপক/সহীকা নিয়ন্ত্রক	
সচিব/সহসচিবী অধ্যাপক	
উপ-পরিচালক/সচিবী পরিচালক/সচিবী হার্ডওয়্যার ইঞ্জিনিয়ার/সহসচিবী অধ্যাপক	
প্রোগ্রাম/সংশোধন কর্মকর্তা/অধ্যাপক কর্মকর্তা/সহসচিবী	
তারিখ: ২৬ অগ্রহায়ণ ১৪৩০	তারিখ: ১২ ডিসেম্বর ২০২৩
পি.এস.ই. নিবন্ধী প্রোগ্রামেট/সংশোধন সচিব/সচিবী পরিচালক/সচিবী সিস্টেম এডমিনিস্ট্রেশন/সহসচিবী পরিচালক/সহসচিবী রেজিস্ট্রার/সহসচিবী হার্ডওয়্যার ইঞ্জিনিয়ার	
সহসচিবী বাইপ্রোগ্রাম/বাজিগত কর্মকর্তা	

(১) অন্যান্য বিষয়াবলীর মধ্যে তহবিলের মূখ্য উদ্দেশ্য হইবে নিম্নরূপ:

(ক) পুঁজিবাজার উন্নয়ন এবং ইহার নীতিমালা সংক্রান্ত ইনস্টিটিউটের নিজস্ব গবেষণা কার্যক্রম পরিচালনা জোরদার করা;

(খ) এই ধরনের গবেষণা কার্যক্রম পরিচালনার জন্য সরকার, উন্নয়ন সহযোগী, সরকারি প্রতিষ্ঠান, পুঁজিবাজার সংশ্লিষ্ট সংস্থা, বেসরকারি প্রতিষ্ঠান এবং একক ব্যক্তি হইতে অনুদান প্রাপ্তির মাধ্যমে (ক) এ উল্লিখিত কাজ বেগবান করা; এবং

(গ) পুঁজিবাজার উন্নয়ন নীতি প্রণয়নে সহায়তা প্রদানের লক্ষ্যে চাহিদা মোতাবেক গবেষণা কার্যক্রম পরিচালনা।

(২) অন্যান্য বিষয়াবলীর মধ্যে এই নীতিমালার অধীন গৃহীতব্য কার্যক্রম এবং কার্যক্রমসমূহের বাস্তবায়ন কৌশল হইবে নিম্নরূপ:

(ক) বাংলাদেশ সিকিউরিটিজ অ্যান্ড এক্সচেঞ্জ কমিশন (বিএসইসি) এর সাথে আলোচনার মাধ্যমে পুঁজিবাজার উন্নয়ন ও নীতি সংক্রান্ত গবেষণার বিষয়বস্তু নির্ধারণ এবং গবেষণা কার্যক্রম গ্রহণ করা;

(খ) বিএসইসি কর্তৃক নিবন্ধিত স্টক এক্সচেঞ্জ, ডেরিভেটিভস এক্সচেঞ্জ, কমোডিটিজ এক্সচেঞ্জ, সিকিউরিটিজ ডিপোজিটরি কোম্পানি, সেন্ট্রাল কাউন্টার পার্টিসহ পুঁজিবাজার সংশ্লিষ্ট সকল এক্সচেঞ্জসমূহের সাথে আলোচনার মাধ্যমে পুঁজিবাজার সংশ্লিষ্ট গবেষণা কার্যক্রম নির্বাচন এবং পরিচালনা করা;

(গ) পুঁজিবাজার উন্নয়নে আগ্রহী অন্যান্য প্রতিষ্ঠানসমূহের সাথে আলোচনা করিয়া তাহাদের ইস্পিত গবেষণা কার্যক্রম নির্বাচন এবং পরিচালনা করা;

(ঘ) বাংলাদেশ ও আন্তর্জাতিক পুঁজিবাজার কাঠামো, ব্যবস্থা, পদ্ধতি, গতিপ্রকৃতি এবং ধারা সম্পর্কে গবেষণা পরিচালনা করা;

(ঙ) পুঁজিবাজারে নতুন সিকিউরিটিজ উদ্ভাবন এবং উক্ত সিকিউরিটিজ সম্পর্কে বিনিয়োগকারী এবং বাজার মধ্যস্থতাকারীগণকে অবহিত করা সম্পর্কিত গবেষণা পরিচালনা করা;

(চ) পুঁজিবাজারে জ্ঞান এবং প্রযুক্তি উন্নয়ন সম্পর্কে জ্ঞাত হওয়া এবং তাহা প্রয়োগের ব্যাপারে সুপারিশ করা;

(ছ) বিনিয়োগকারীগণের বিনিয়োগ আচরণ পর্যবেক্ষণ এবং প্রকৃত বিনিয়োগকারীতে রূপান্তরের জন্য প্রয়োজনীয় সুপারিশ করা;

(জ) পুঁজিবাজার সংশ্লিষ্ট দ্বিপাক্ষিক এবং আন্তর্জাতিক বৈঠক, সমঝোতা স্মারক বা চুক্তিতে উপনীত হওয়ার জন্য সরকার বা সরকারি সংস্থাকে তথ্য সরবরাহকল্পে তথ্য এবং উপাত্ত সংগ্রহ করা;

(ঝ) পুঁজিবাজারে নতুন প্রডাক্টস চালু করার উপযোগিতা, যথার্থতা এবং পদ্ধতি স

সম্পর্কে গবেষণা কার্যক্রম পরিচালনা করা;

(এ) মধ্যস্থতাকারী প্রতিষ্ঠানসমূহের আইন ও বিধি পরিপালনে আগ্রহ বা অনীহা সম্পর্কে তথ্য সংগ্রহ, কারণ উদঘাটন এবং এই সম্পর্কে প্রতিবিধানমূলক ব্যবস্থা সুপারিশ করা;

(ট) প্রাতিষ্ঠানিক সুশাসন এর অবস্থা নিরূপণ এবং তাহা উত্তরণের জন্য গবেষণা কার্যক্রম পরিচালনা করা;

(ঠ) শিক্ষার সকল স্তরে পুঁজিবাজার সংশ্লিষ্ট পাঠ্যক্রম তৈরীকল্পে গবেষণা কার্যক্রম পরিচালনা করা;

(ড) পুঁজিবাজার মধ্যস্থতাকারী প্রতিষ্ঠানে কর্মরত সকল কর্মকর্তা কর্মচারীগণের পুঁজিবাজার সম্পর্কিত তাত্ত্বিক এবং পেশাগত জ্ঞানের অবস্থা সম্পর্কে তথ্য সংগ্রহ এবং তাহাদের মাননোয়নের জন্য প্রয়োজনীয় ব্যবস্থার সুপারিশ করা;

(ঢ) পুঁজিবাজারের গতিময়তা বিশ্লেষণ ও কার্যকরণ সম্পর্কিত গবেষণা করা;

(ণ) দেশি এবং বিদেশি বিনিয়োগকারীগণের জন্য গবেষণা তথ্য সরবরাহ করা;

(ত) পুঁজিবাজার গবেষণার ফলাফল নীতি নির্ধারক ও অন্যান্য সংশ্লিষ্ট ব্যক্তিবর্গের কাছে পৌঁছে দেওয়ার লক্ষ্যে সেমিনার, সভা ও প্রকাশনার ব্যবস্থা গ্রহণ করা;

(থ) পুঁজিবাজার উন্নয়ন সংক্রান্ত ইনস্টিটিউটের নিজস্ব গবেষণা কার্যক্রম প্রণয়ন এবং পরিচালনা;

(দ) সরকার এবং জাতীয় রাজস্ব বোর্ড এর বিবেচনার জন্য কোম্পানিসমূহের কর সম্পর্কিত প্রস্তাবনা;

(ধ) উন্নয়ন সহযোগী, বিশ্ববিদ্যালয়, জাতীয় অন্যান্য প্রশিক্ষণ ইনস্টিটিউট, আঞ্চলিক, আন্তর্জাতিক সমরূপ প্রতিষ্ঠানের সাথে সহযোগিতার মাধ্যমে যৌথ গবেষণা কার্যক্রম পরিচালনা;

(ন) নিয়মিতভাবে পুঁজিবাজার সম্পর্কিত গবেষণা জার্নাল প্রকাশ;

(প) ইনস্টিটিউটের নিজস্ব গবেষকদের গবেষণা দক্ষতা অর্জনের লক্ষ্যে স্বল্প ও দীর্ঘমেয়াদী প্রশিক্ষণের জন্য সহায়তা প্রদান;

(ফ) গবেষণা কার্যক্রম পরিচালনার জন্য ইনস্টিটিউটের নিজস্ব গবেষকদের অথবা সরকারের অনুমোদনক্রমে অন্য গবেষকদের মান উন্নয়নের নিমিত্ত তাহাদের উচ্চ শিক্ষার ব্যয় নির্বাহের জন্য সহায়তা প্রদান;

(ব) আন্তর্জাতিক সম্মেলনে অংশগ্রহণ করিবার জন্য বা গবেষণা অভিসন্দর্ভ বা আর্টিক্যাল উপস্থাপনের নিমিত্ত সরকারের পূর্বানুমোদনক্রমে ইনস্টিটিউটের নিজস্ব গবেষকগণের ব্যয় নির্বাহের জন্য সহায়তা প্রদান;

(ভ) ইনস্টিটিউটের নিজস্ব আয়ের ন্যূনতম শতকরা ২০ (বিশ) ভাগ গবেষণা এনডাউমেন্ট তহবিলে স্থানান্তর; এবং

(ম) গবেষণা কার্যক্রমে সহায়ক হিসাবে প্রয়োজনীয় তথ্য-উপাত্ত সংগ্রহ, সংরক্ষণ এবং ব্যবস্থাপনার জন্য খরচ নির্বাহ করা।

৪। তহবিল গঠন:

(১) এই নীতিমালা কার্যকর হইবার পর বাংলাদেশ ইনস্টিটিউট অব ক্যাপিটাল মার্কেট গবেষণা এনডাউমেন্ট তহবিল নামে একটি তহবিল থাকিবে।

(২) নিম্নবর্ণিত উৎস হইতে প্রাপ্ত অর্থ সমন্বয়ে তহবিল গঠিত হইবে-

(ক) সরকার কর্তৃক বিশেষভাবে বরাদ্দকৃত তহবিল (Endowment Fund);

(খ) উন্নয়ন সহযোগী কর্তৃক এই উদ্দেশ্যে প্রদত্ত অনুদান;

(গ) বিএসইসি এবং ইহা কর্তৃক নিয়ন্ত্রিত এক্সচেঞ্জসমূহ ও পুঁজিবাজার উন্নয়নে আগ্রহী নিবন্ধনকৃত ব্যক্তি, মধ্যস্থতাকারী প্রতিষ্ঠানসমূহ, বেসরকারি সংস্থা বা প্রতিষ্ঠান কর্তৃক প্রদত্ত অনুদান;

(ঘ) বিএসইসি বা সরকার কর্তৃক অনুমোদিত অন্য যেকোন উৎস হইতে প্রদত্ত অনুদান;

(ঙ) ইনস্টিটিউটের রাজস্ব আয় হইতে স্থানান্তরকৃত অর্থ; এবং

(চ) তহবিলের অর্থ বিনিয়োগ হইতে প্রাপ্ত আয়।

৫। তহবিলের ব্যবস্থাপনা হইবে নিম্নরূপ:

(ক) এই নীতিমালার উদ্দেশ্য বাস্তবায়নকল্পে তহবিল পরিচালনা কমিটি পরিচালনা পর্ষদের অনুমোদনক্রমে প্রতি বৎসর নির্ধারিত অঙ্ক পর্যন্ত অর্থ বরাদ্দ করিবেন;

(খ) কমিটির অনুমোদনক্রমে তহবিলের অর্থ পরিচালনা পর্ষদ নির্ধারিত নীতিমালা অনুযায়ী ব্যাংকে মেয়াদী বা অন্য কোন লাভজনক হিসাবে জমা রাখা এবং পরিচালনা পর্ষদ কর্তৃক অনুমোদিত খাতে বিনিয়োগ করা;

(গ) উক্ত জমার বিপরীতে অর্জিত লভ্যাংশ হইতে তহবিলের আওতায় বরাদ্দপ্রাপ্ত বিভিন্ন গবেষণা কার্যক্রম বাস্তবায়ন করা;

(গগ) গবেষণা কাজে বাৎসরিক প্রস্তাবিত গবেষণা বাজেটের সর্বোচ্চ ২৫% ইনস্টিটিউটের বহিঃ গবেষকদের বরাদ্দ করা যাবে এবং এই

ক্ষেত্রে ইনস্টিটিউটের গবেষকদের একজনকে গবেষণা টীমে প্রতি নিধি হিসেবে রাখতে হইবে; এবং

(দ) তহবিলের অর্থ পৃথক ব্যাংক হিসাবে সংরক্ষিত থাকিবে এবং উক্ত তহবিল সংক্রান্ত হিসাব কমিটির সভাপতি এবং কমিটির সদস্য সচিবের যৌথ স্বাক্ষরে পরিচালিত হইবে;

৬। বাণিজ্যিক সংস্থাঃ বাংলাদেশ ইনস্টিটিউট অব ক্যাপিটাল মার্কেট (বিআইসিএম)

৭। তহবিল পরিচালনা কমিটিঃ

(১) এই নীতিমালার অধীন তহবিল পরিচালনার জন্য বাংলাদেশ ইনস্টিটিউট অব ক্যাপিটাল মার্কেট গবেষণা এনডাউমেন্ট তহবিল পরিচালনা কমিটি নামে একটি কমিটি থাকিবে।

(২) তহবিল পরিচালনা কমিটি নিম্নবর্ণিত সদস্য সমন্বয়ে গঠিত হইবেঃ

(ক) নির্বাহী প্রেসিডেন্ট, বিআইসিএম -সভাপতি

(খ) পরিচালক (স্টাডিজ), বিআইসিএম -সদস্য

(গ) বিআইসিএম এর পরিচালনা পর্ষদ -সদস্য

কর্তৃক মনোনীত ৩ (তিন) জন সদস্য

যাহার মধ্যে ন্যূনতম ১(এক) জন

গবেষক হইবেন

(ঘ) পরিচালক (প্রশাসন ও অর্থ), বিআইসিএম -সদস্য সচিব (Non

Voting)

(৩) অন্যান্য বিষয়াবলীর মধ্যে তহবিল পরিচালনা কমিটির কার্যাবলী হইবে নিম্নরূপঃ

(ক) তহবিলের উদ্দেশ্য ও কৌশল সুষ্ঠুভাবে বাস্তবায়ন;

(খ) পরিচালনা পর্ষদের অনুমোদনক্রমে বার্ষিক গবেষণা কর্মপরিকল্পনা নির্ধারণ;

(গ) গবেষণা প্রস্তাব পর্যালোচনা করিয়া উপযুক্ত প্রস্তাব নির্বাচন;

(ঘ) তহবিলের সার্বিক পরিচালনাসহ ব্যবস্থাপনা, হিসাব সংরক্ষণ ও নিয়ন্ত্রণ;

(ঙ) তহবিলের অর্থে গ্রহীতব্য কার্যক্রম বাস্তবায়নে নীতি নির্ধারণ, দিক নির্দেশনা এবং কার্যক্রমের চূড়ান্ত অনুমোদন প্রদান;

(চ) তহবিলের মাধ্যমে বাস্তবায়িত কার্যক্রমসমূহের পরিবীক্ষণ ও মূল্যায়ন (ছ) গবেষণার ফলাফল নীতিনির্ধারক ও অন্যান্য সংশ্লিষ্ট ব্যক্তিবর্গের কাছে পৌঁছে দেওয়ার লক্ষ্যে সেমিনার, সভা ও প্রকাশনার ব্যবস্থা গ্রহণ; এবং

(জ) ষাণ্মাসিক ভিত্তিতে ইনস্টিটিউট পরিচালনা পর্ষদের নিকট প্রতিবেদন উপস্থাপন।

- (৪) তহবিল পরিচালনা কমিটির সভা অনূন্য প্রতি ৩ (তিন) মাসে একবার অনুষ্ঠিত হইবে।
- (৮) নীতিমালার সংশোধন:
ইনস্টিটিউটের পরিচালনা পর্ষদের অনুমোদন সাপেক্ষে এই নীতিমালা সংশোধন করা যাইবে।
- (৯) নীতিমালার ব্যাখ্যা:
তহবিল পরিচালনা নীতিমালার ব্যাখ্য সংক্রান্ত কোন বিষয়ের উদ্ভব হইলে বিষয়টি ইনস্টিটিউট পরিচালনা পর্ষদ এর সভায় সিদ্ধান্তের জন্য উপস্থাপন করিতে হইবে।
- (১০) গত ২১ জুন ২০১৭ তারিখে বাংলাদেশ গেজেটের অতিরিক্ত সংখ্যায় প্রকাশিত 'বাংলাদেশ ইনস্টিটিউট অব ক্যাপিটাল মার্কেট গবেষণা এনডাউমেন্ট তহবিল পরিচালনা নীতিমালা, ২০১৭' বাতিল বলে গণ্য হবে।

রাষ্ট্রপতির আদেশক্রমে,



১১-১২-২০২৩

মো: গোলাম মোস্তফা

যুগ্ম সচিব

ফোন: ২২৩৩২৫৩২৫

ফ্যাক্স: ০২-৯৫১৩৫০০

ইমেইল: as.cm@fid.gov.bd

নম্বর: ৫৩.০০.০০০০.৪২১.২০.০০৩.২০.১০২/১(৬)

তারিখ: ২৬ অগ্রহায়ণ ১৪৩০
১১ ডিসেম্বর ২০২৩

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হইল:

- ১) সচিব, অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা।
- ২) একান্ত সচিব (অতিরিক্ত দায়িত্ব), মন্ত্রীর দপ্তর, অর্থ মন্ত্রণালয়, ঢাকা।
- ৩) নির্বাহী প্রেসিডেন্ট, বাংলাদেশ ইনস্টিটিউট অব ক্যাপিটাল মার্কেট (বিআইসিএম)
- ৪) সিনিয়র প্রিন্সিপাল অফিসার, আইসিটি সেল, আর্থিক প্রতিষ্ঠান বিভাগ [বিবেচ্য প্রজ্ঞাপনটি আর্থিক প্রতিষ্ঠান বিভাগের ওয়েবসাইটে প্রকাশের অনুরোধসহ]
- ৫) অতিরিক্ত সচিব ঐর ব্যক্তিগত কর্মকর্তা, বীমা ও পুঁজিবাজার অনুবিভাগ, আর্থিক প্রতিষ্ঠান বিভাগ
- ৬) যুগ্মসচিব ঐর ব্যক্তিগত কর্মকর্তা, পুঁজিবাজার অধিশাখা, আর্থিক প্রতিষ্ঠান বিভাগ